



Synfocity = 820

mail us at : mzsynfo@gmail.com; mizoramsynod@gmail.com - Phone - 2314648

November 25, 2021

❑ **Synod Executive Committee (SEC) an ðu**

Nov. 24 & 25, 2021 khan Synod Executive Committee (SEC) vawi 293-na chu J.M. Lloyd Hall, Synod Office-ah an ðu a, committee member 117 kalin Aizawl khawchhung aþangin 47 leh Aizawl khaw pawn aþangin 70 an kal. Meeting hi Synod Moderator Rev. Dr. C. Lalhlira'n a kaihruai a, hming lam a nih hnuah Synod Secretary-in Secretary report a pe a. Tripura Synod-a palai kal thu te, ATC Day vawi 56-na lawm anih thu te leh Mizoram Kraws Lian hmalakna chungchang te report-ah hian tarlan a ni. Tun ðum SEC-ah hian Agenda hrang hrang 10 chhawpchuah a ni a, heng zingah hian Synod Department aþanga thu lut agenda 4 a awm bawk.

❑ **Aizawl Theological College (ATC)-in College Day vawi 56-na an hmang**

Mizorama Pathian thu zirna inpui ber Aizawl Theological College chuan kum tina a lo tih ðin angin Nov. 19, 2021 (Zirtawpni) khan College Day vawi 56-na an hmang a. Amaherawhchu kum dang angin a hmuna pun khawm tam theih a nih loh avangin YouTube-a pekchhuah a ni.

College Day hi Synod Moderator Rev. Dr. C. Lalhlira'n hmanpuiin inkhawm a kaihruai a, ATC Principal Rev. Prof. Vanlalngbaka Ralte-in report a pe a, report-a a lan dan chuan tun dinhmunah zirtirtu thawk nghet 23 leh contract-a rawih 2 an awm a, Office-a thawk mi 16 awmin contract-a rawih 2 an awm bawk. Zirlai zawng zawng 171 an ni a, heng zingah hian BD zirlai 109, M.Th zirlai 56, D.Th zir mek 6 an awm. Kumin 2021 College Day thupui, "**Challenges to the Christian Mission in the Post Covid-19 Global Scenario: Aspects from German Context**" tih chu Rev. Dr. Anton Knuth, Director, Mission Akademie, Hamburg, Germany chuan Online hmangin a sawi a. India ram chung leh pawn aþangin chibai bukna thu ngaihthlak a ni bawk. ATC Male Quartet leh ATC Female Quartet ten Pathian fakna hla an sa a. Kum 2020-2021 chhunga zirlai tiþhate hnenah Rev. Lianhmingthanga Sailo, Senior Executive Secretary i/c Theological Education chuan lawmman chi hrang hrang a sem a. Synod Secretary (Sr), Upa Lalrinmuana pawhin zirlai tiþhate hnenah "**Proficiency Prize**" a sem bakah kumin aþanga lawmman siam thar "**Church Music Prize**" chu a sem bawk.

ATC Faculty-in Literary Project an neih pathum zinga puitling hmasa ber "**KULHBING**" tih lehkhabu chu Rev. Lianhmingthanga Sailo, Senior Executive Secretary-in a tlangzarh nghal a. He lehkhabuah hian Mizo Kristiante nektu chhanna thuziak 31 a awm a, phek 400 a chhah niin Rs. 400/- man a ni.

Rev. Dr. H. Lalrinthanga, Dean, Post Graduate Studies chuan lawmthu sawiin Rev. K. Lungmuana'n malsawmnain College Day lawmna hi a khar a ni.

College Day-a lawmman sem chhuah zinga ngaihhlut hlawh ber pakhat, "**Best Outgoing Student Award**" chu R. Laltlanchhungi, East Lungdar hnenah hlan a ni.

Covid-19 hrileng avangin online-in class kalpui a la ni a. ATC-ah hian Senate of Serampore hnuai zir theih course chi hrang hrangte hawn kim deuh thaw tawh niin tunah hian Old Testament leh Christian Counselling-ah D.Th zirna hawn tuma hmalak mek a ni. Kum kal ta chung khan ATC zirtirtu mi panga(5) te chuan Doctorate Degree an hmu thar bawk.

❑ **Presbyterian English School (PES)**

Nov. 18, 2021 (Ningani) khan Chawngtlai PES Building thar chu Pu P.C. Vanlalhruaia, Supervisor of Schools-in a hawng. Chawngtlai PES hi kum 2016 aþanga kalpui niin School Building sak nan hian Synod aþangin Building Grant Rs. 6,00,000/- pek an nih hnuah an indaihlohna puhruk nan Rs. 2,00,000/- pek an ni leh a. An kohhranin Rs. 15,00,000/- an puk bakah Kohhran tualchung sum engemaw zat an seng a, Kohhran hnatlang pawh tha sang chuang zet an seng a ni.

Chawngtlai Kohhranah hian dan zawhkim 700 chuang an awm a, Kohhran pui, KTP, Kohhran Hmeichhia leh Kohhran Pavalai Pawl bakah VC lam an ðangrual hle a, Presbyterian Kohhran member mai ni lovin, Kohhran pawl dang member ðenkhat pawhin phur takin tha an thawh bawk.

School Building tharah hian Classroom 10, Devotion Hall, Teachers' Common Room leh Principal Room awmin kawtzawl nuam tak a awm bawk. Tunah hian KG-I aþanga Class-VIII thleng neiin zirlai 152 leh zirtirtu 11 an awm.

□ **Synod Mission Board leh ram pawn chet velna**

♦ **January - October, 2021 chhunga Mission Field hrang hranga ringthar neih dan hetiang hi a ni:**

S.No	Field	Total	S.No	Field	Total	
1.	Arunachal & Assam Mission (East)	77	10.	Karbi Anglong	138	
2.	Arunachal & Assam Mission (North)	97	11.	Kolkata	1626	
3.	Arunachal & Assam Mission (West)	60	12.	Lucknow	69	
4.	Assam	95	13.	Masihi Sangati	3192	
5.	Barak	100	14.	Nepal	100	
6.	Delhi	120	15.	Odisha	96	
7.	Home Mission North	59	16.	Patna	60	
8.	Home Mission South	56	17.	Siliguri	175	
9.	Jharkhand	397	18.	Tripura	616	
					TOTAL	7133

♦ **Jharkhand Mission Field**

Nov. 16, 2021 (Inrinni) khan ringthar chhungkaw khat member 5 awmna Lal Isua zui turin an inpe a, Nov. 21, 2021 (Pathianni) khan ringthar 1 Lal Isua zui turin a inpe a. Friends Missionary Prayer Band(FMPB) aţangin chhungkaw khat (member 5) kan Kohhranah an inpe a, Roman Catholic aţangin mi 2 kan Kohhranah an inpe bawk.

♦ **Siliguri Mission Field**

Nov. 18, 2021 (Ningani) khan ringthar 4 Lal Isua zui turin an inpe a. Kumin 2021 chhunga Field-in ringthar nei tura an target 200 chu an tlin ta chia a ni.

♦ **Masihi Sangati**

Nov. 18, 2021 (Ningani) khan Gorkha Gospel Team leh Chawlhmmun Bial Masihi Sangati ţangkawpin Chawlhmmunah rawngbawlina an nei a, ringthar 7 Lal Isua zui turin an inpe.

Nov. 20, 2021 (Inrinni) khan Sairang Dinthar-a Railway hnathawk te aţangin ringthar 32 Lal Isua zui turin an inpe bawk.

♦ **Arunachal & Assam Mission Field (West)**

Nov. 20, 2021 (Inrinni) khan ringthar 1 Lal Isua zui turin a inpe a, Nov. 21, 2021 (Pathianni) khan ringthar 7 Lal Isua zui turin an inpe bawk.

♦ **Arunachal & Assam Mission Field (East)**

Nov. 20, 2021 (Inrinni) khan ringthar 2 Lal Isua zui turin an inpe.

♦ **Odisha Mission Field**

Nov. 21, 2021 (Pathianni) khan ringthar 3 Lal Isua zui turin an inpe.

□ **Kohhran Hmeichhe Ni vawi 25-na**

Nov. 26, 2021 (Zirtawpni) hi Kohhran Hmeichhe Ni vawi 25-na a ni a, hripui leng avanga kum danga hman ţhin ang chuan hman hleih theih a ni lo a, amaherawhchu sorkar-in inkaihruaina a siam zui chungin a theih ang ang erawh chuan Kohhran Hmeichhiaten he an Ni pawimawh hi hmangin "Ruth Bell Graham-i Chanchin" Pi H. Lalfakmawii, Kohhran Hmeichhe Co-ordinator ziah an zirho ang.

Kum 1997 aţang khan Mizoram Presbyterian Kohhran Hmeichhiate chuan November zirtawpni hnunung ber hi Kohhran Hmeichhe Ni atan an hmang ţhin a. Kohhran Hmeichhia hi Zosap Missionary Rev. DE Jones-a nupui Mrs. Catherine Ellen Williams (Pi Zosaphluii)-in kum 1904-ah a din a. Mizo hmeichhia, a bik takin nu te chu Pathian thu te hrilhin, kut themthiam leh hriselna lam te a zirtir a. Khasi nu Pi Siniboni pawh amah puitu ţangkai tak a ni a, hun kal zelah Bible Women-te nen thawk hovin Kohhran tinah Kohhran Hmeichhia a lo ding zel a ni.

Kohhran Hmeichhe Ni atan November zirtawpni hnunung ber hman a nih chhan hi Pu Zosaphluia'n a diary-ah Pi Hluui'n zirtawpniah Hmeichhiate chu inkhawm a neihpui ţhin tih a ziah a. Inkhawm a neihpui ţan ni chia hi sawi lan a ni lo va, January 1904-ah Mizorama lo chhuak kha a ni a. A lo chhuah kum tawp lamah chuan Hmeichhiate hi bul a ţanpui tawh ngei ang tih a rin theih a. Chuvangin Pi Zosaphluii Mizorama a lo chhuah kum tawp lam November zirtawpni hnunung ber chu Kohhran Hmeichhe Ni a hman turin Synod Executive Committee (SEC)-ah rawtna a thlen a. SEC chuan remtiin kum 1997 aţang khan hman a ni ta a. Kum 1904 chu Kohhran Hmeichhe din ţan kumah pawm a ni nghal bawk.

- **Kohhran Hmeichhia**
 - ♦ Nov. 26, 2021 (Zirtawpni) khan Cachar Kahrawt-ah Leadership Training leh Kohhran Hmeichhe Ni hmanpui turin Kohhran Hmeichhe General Secretary Pi H. Lalfakmawii, Vice Chairman Pi Vanlalhruii leh Committee member Pi Lalhmachhuani te an kal ang.
 - ♦ Mizoram Presbyterian Kohhran Hmeichhe Inkhawmpui Lian vawi 49-na Khatla Kohhran Biak Ina neih chuan "*Ram pum huapin Rilru hriselna lam (Mental Health) Awareness neih tha kan ti a, ruahmanna Central Committee-in lo siam rawh se*" tih leh "*Kum 2021 chungin ram pum huapin Literature Week hman ni se, Central Committee-in ruahmanna a tul angin lo siam rawh se*" tia a lo rel tawh chu Central Committee chuan bawhzuiin Booklet 2 "*Literature Week*" Rev. Dr. C. Chawngmingliana ziah leh "*Rilru Hrisel*" Pi V. Vanlalruati leh Dr. C. Lalropuii te ziah chu peih fel tawh a ni a, he booklet hi mahni Bial emaw kohhranin emaw hun remchangah an zir leh dawn a ni.

- **Synod Revival**
 - ♦ Nov. 15 - 21, 2021 chungin khan Rangvamual leh Phunchawng-ah zan riakin Tawngtai Beihpui neih a ni a, Speaker leh Counsellor te mi 22 thawk chhuakin hun an hmang a, Kohhran dangte pawhin an tawiam tha hle. Nov. 19 - 21, 2021 chungin vek khan Aizawl khawchung leh dai velah Operation Nehemia programme-in Speaker leh Counsellor te hmun sawm (10) ah feh chhuakin rawng an bawl.
 - ♦ Synod Revival Committee chuan kum 2022-2023 chungin atana Synod Revival Speaker tur mi 70, mipa 68 leh hmeichhia 2 a la thar.

- **Synod Relief Fund**
Tun hnaia harsatna hrang hrang nei te hnenah Synod Relief Fund atangin hetiang hian chhawmdawlna pek a ni.

S.No	Khua	Pek chhan	Chhungkaw zat	Pek zat
1.	Khawbung Vengpui	Khawsak harsa	2	Rs. 16,000/-
2.	E. Lungdar Vengthar	Tuilian tuar	2	Rs. 20,000/-
3.	Aiduzawl	Vanduinaw tawk	17	Rs. 1,15,000/-
			TOTAL	Rs. 1,51,000/-

- **Hruaina Eng FM Radio :**
NOVEMBER 26, 2021 (Zirtawpni) (FM Zoawi - Aizawl & Lunglei @ 7:30 p.m.):
Zaipawl : Kawrthah Kohhran Zaipawl - Kan Lalpa Isua khawvela a len lai khan
Solo : Belinda L. Sailo - Ka lo haw
Thusawi : Rev. Zothansanga - Lungawina
Solo : Felina Lalremruati - Ka lungawi zel ang
Zaipawl : Leitan Bial Zaipawl - Mupui ang Kohhran

- **Susamachar Prasaran Programme :**
NOVEMBER 28, 2021 (Pathianni) 5:00 pm. :
Group/Choir/Solo : Bungkawn Masihi Sangati - Pyar ka sangar
Group/Choir/Solo : Dawrpui Bial Masihi Sangati - Jaya
Sermon : Lalmingthanga - Misual sim Zakaia
Group/Choir/Solo : Hmingtea Tochwawng - Aaya ishu mere jiwane me
Group/Choir/Solo : Kristian Centre Zaipawl - Tu Pyar Ka Sagar

- **Moderator leh Executive Secretary-te Programme:**
Rev. Dr. C. Lalhlira : Moderator
 Nov. 27-29, 2021 East Lungdar Bial
 Nov. 30, 2021 OM
 Dec. 3, 2021 Synod Pastoral Committee meeting
Rev. Lianhmingthanga Sailo : Senior Executive Secretary
 Nov. 27, 2021 Pastor Quarters hawn, Melriat Bial
 Nov. 28, 2021 Lengpui Kohhran tlawh
 Nov. 30, 2021 OM
 Dec. 1, 2021 Zirlai Viltu Incentive Cash Award sem
 Dec. 2, 2021 MCC Governing Board meeting
 Dec. 3, 2021 Synod Pastoral Committee meeting

Rev. B. Sangthanga : Executive Secretary

Nov. 30, 2021 FG&CC programme
 Nov. 30, 2021 OM
 Dec. 1, 2021 Women Centre programme
 Dec. 3, 2021 Synod Pastoral Committee meeting

Rev. K. Lalrinmawia : Executive Secretary

Oct. 29, 2021 PES leh Synod Rescue Home Committee meeting
 Nov. 30, 2021 OM
 Dec. 1, 2021 Zirlai Viltu Incentive Cash Award sem
 Dec. 2, 2021 MCC Governing Board meeting
 Dec. 3, 2021 Synod Pastoral Committee meeting

P.C. GIRLS' SCHOOL : ADMISSION NOTICE

Kum 2022 - 2023 Session atan P.C. Girls' School-ah Class 'A' Admission ni 1.12.2021 (Nilaini) atanga ni 10.12.2021 (Zirtawpni) thleng hawn a ni.

Sd/-
 Zaithanchhungi
 Headmistress, P.C. Girls' School

MISSIONARY HNUARUAK HRIATTIRNA

Mizoram Presbyterian Kohhran, Synod Mission Board hnuaiia thawk turin Missionary (Contract) 50 lak a ni dawn a. Kum 18-35 inkar, ni 21.01.2022-a kum 18 tling, kum 35 la pumhlum lo, zuk leh hmuama fihlim, Presbyterian Kohhran mi tan dil theih a ni. Dilna Form chu ni 16.11.2021 (thawhlehi) atangin Synod Office (Aizawl leh Lunglei)-ah lakchhuah theih a ni a. Dilna hi Synod Office, Aizawl-ah thehluh tur a ni a. Application form man Rs. 20/- a ni. Hna dilna Form-ah hriat tur pawimawh tihlan a ni.

Thiamna : Class VIII Certificate holder leh a chunglam
 Dil theih hun chung : December 14, 2021 (Thawhlehi) tlai dar 3 thleng
 Screening test/exam : January 18, 2022 (Thawhlehi) chawhma dar 10
 Interview : January 21, 2022 (Zirtawpni) chawhma dar 10
 Hlawh : Synod hnuaiia Contract Missioanry hlawh

Sd/-
 Rev. Lianhmingthanga Sailo
 Secretary, Synod Service Board

MISSIONARY TRAINING COLLEGE HRIATTIRNA

Missionary Training College (MTC)-ah Bachelor of Missiology (B.Miss) zir duh tan dil theih a ni leh ta. Dilna Form leh Prospectus hi Rs 50/- in office hun chungin MTC Office atangin lak chhuah theih a ni e.

Dil thei chin : CI - XII pass chin
 Dilna theh luh hun hnuhung : 18 February, 2022 (Friday)
 Entrance Test : 1 March, 2022 (Tues); (9:30 AM @ MTC)
 Interview : 3 March, 2022 (Thurs); (10:30 AM @ Synod Committee Room I)

Sd/-, Principal
 Missionary Training College
 Mission Vengthlang
 Ph. No. : 2310157/2301337/9612164982